

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 25 JULAI 2013, PUKUL 10.00 PAGI

Bil. 5

PERTANYAAN-PERTANYAAN BAGI JAWAB LISAN

1. PN-1311-L16253
Dato' Nalla K. S. minta **MENTERI LUAR NEGERI** menyatakan apakah tindakan Kerajaan Malaysia ke atas 21 orang warganegara Malaysia yang telah memalukan nama negara dengan membuat tunjuk perasaan di negara asing iaitu di Singapura.
2. PN-1311-L16591
Datuk Haji Yunus bin Haji Kurus minta **MENTERI PENDIDIKAN** menyatakan apakah tindakan proaktif yang bakal diambil di kalangan murid-murid sekolah rendah dan menengah dalam memupuk semangat cintakan negara melalui lagu Negaraku dan prinsip Rukun Negara.
3. PN-1311-L16823
Datuk Jamilah Sulaiman minta **MENTERI PERTAHANAN** menyatakan bilakah Kerajaan bercadang untuk membuat pelarasan pencen antara bekas tentera yang lama dengan bekas tentera yang baru, di mana terdapat perbezaan yang besar kadar pencen antara dua kumpulan tersebut. Perkara ini perlu diatasi bagi mengurangkan tekanan kos hidup yang tinggi yang terpaksa ditanggung oleh generasi bekas tentera terdahulu.
4. PN-1311-L16614
Tan Sri Dr. Koh Tsu Koon minta **MENTERI KERJA RAYA** menyatakan adakah Kerajaan Pulau Pinang pernah berunding dengan Kerajaan Persekutuan sejak 2008 untuk membina lebuh raya bertingkat (*elevated*) atas Lebuh Raya Tun Lim Chong Eu supaya menghubungi Jambatan Kedua dan Jambatan Pulau Pinang yang sedia ada. Apakah anggaran kos dan jadual pelaksanaan.
5. PN-1311-L16346
Puan Hajah Khairiah binti Mohamed minta **MENTERI PENDIDIKAN** menyatakan dasar atau kaedah yang diguna pakai bagi penempatan dan pertukaran guru dalam memastikan pencapaian cemerlang para pelajar.

6. PN-1311-L16182
Datuk Chin Su Phin minta **MENTERI DALAM NEGERI** menyatakan berapa banyakkah CCTV yang ditempatkan di lampu isyarat seluruh bandar yang dikategorikan sebagai kawasan panas pada masa sekarang.
7. PN-1311-L16712
Dato' Muhammad Olian b Abdullah minta **PERDANA MENTERI** menyatakan persediaan pihak Kerajaan tentang kemungkinan kemasukan dana asing, propaganda media barat dan pengguna internet termasuk Facebook, Twitter dan blog yang boleh mengancam keselamatan negara.
8. PN-1311-L16738
Tuan Chiew Lian Keng minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan setakat mana *incinerator* dapat mengurangkan sampah-sarap dan berapakah *incinerator* ini telah dan lokasi yang akan didirikan.
9. PN-1311-L16883
Dato' Dr. Johari bin Mat minta **MENTERI SAINS, TEKNOLOGI DAN INOVASI** menyatakan berapakah kerugian yang telah dialami oleh Kerajaan sejak Dana Penyelidikan Perbadanan Pembangunan Teknologi Malaysia (MTDC) dilaksanakan dan apakah tindakan yang telah diambil terhadap mereka yang terlibat. Berita Harian 26 Jun 2013 muka surat 19 melaporkan bahawa dana tersebut yang disediakan untuk kegunaan IPT tempatan dikesan disalahgunakan menyebabkan Kerajaan kerugian puluhan juta ringgit.
10. PN-1311-L16430
Datuk Pau Chiong Ung minta **MENTERI PENGANGKUTAN** menyatakan apakah tindakan-tindakan pencegahan akan diambil oleh pihak Kementerian bagi mencegah pengusaha pengangkutan sungai membawa penumpang berlebihan supaya tragedi kapal tenggelam di Belaga, Sarawak baru-baru ini tidak akan berulang lagi.
11. PN-1311-L16284
Dato' Dr. Firdaus bin Haji Abdullah minta **MENTERI PENDIDIKAN** menyatakan sekiranya Kementerian akan menimbang semula pelaksanaan sistem kuota kemasukan pelajar-pelajar Bumiputera ke IPTA (untuk menggantikan sistem merit sekarang) menimbang merosotnya peratusan pelajar-pelajar Bumiputera yang sedang menuntut di IPTA/IPTS di dalam dan di luar negeri sekarang.
12. PN-1311-L16847
Puan S. Bagiam a/p Ayem Perumal minta **MENTERI BELIA DAN SUKAN** menyatakan berapakah jumlah peruntukan untuk latihan kemahiran belia di bawah Kementerian dan apakah pengagihan untuk latihan kemahiran ini benar-benar mencerminkan komitmen Kerajaan dalam memperkasakan belia-belia kita tanpa mengira bangsa dan agama serta kemahiran yang ditawarkan dan sejauh manakah rekod pencapaian latihan ini di kalangan belia.

13. PN-1311-L16356
Dato' Boon Som a/l Inong minta **MENTERI KESIHATAN** menyatakan bilangan kes penyakit kencing tikus yang dikesan di negara ini, tahap kejadian penyakit berkenaan serta langkah-langkah dan tindakan bagi menangani kejadian penyakit berkenaan.
14. PN-1311-L16427
Datuk Raja Ropiaah binti Raja Abdullah minta **MENTERI DALAM NEGERI** menyatakan walaupun NKRA menunjukkan bahawa jenayah telah menurun tetapi pada hakikatnya rakyat merasa bimbang dan kurang selamat. Perjelaskan segala modus operandi yang sedang dan akan disediakan untuk membendung kegiatan jenayah yang agak berleluasa dan tindakan tegas dan hukuman setimpal kepada kumpulan-kumpulan penjenayah.
15. PN-1311-L16915
Puan Hajah Dayang Madinah binti Tun Abang Haji Openg minta **MENTERI KESIHATAN** menyatakan cadangan pengharaman "e-rokok" (atau rokok elektronik) didapati relevan bagi menyekat penularan penggunaan dalam kalangan rakyat kita, terutama remaja, atas sebab kesan buruk kepada kesihatan. Adakah Akta tertentu yang sedia ada sudah cukup kukuh untuk diguna pakai supaya penguatkuasaan pengharaman tersebut dapat disegerakan.
16. PN-1311-L16716
Dato' Jaspal Singh minta **MENTERI DALAM NEGERI** menyatakan statistik kes-kes jenayah berkaitan kes ragut (*snatch theft*) sejak 2012 hingga kini. Apakah jumlah mangsa yang meninggal dunia dan dcederakan akibatnya.
17. PN-1311-L16658
Tuan Lihan Jok minta **MENTERI PENDIDIKAN** menyatakan sejauh manakah masalah kekurangan rumah guru-guru di sekolah pedalaman Sarawak sudah diatasi, khususnya di SK Long Kevok, Baram, Sarawak.
18. PN-1311-L16638
Tuan Mohd. Khalid bin Ahmad minta **MENTERI PERDAGANGAN ANTARABANGSA DAN INDUSTRI** menyatakan :-
 - (a) status terkini perdagangan dan pelaburan antara Malaysia dan Itali; dan
 - (b) adakah dengan mengadakan penerbangan terus (*direct flight*) daripada Kuala Lumpur ke Rom akan dapat menggiatkan lagi perdagangan, pelancongan dan pelaburan dari Itali.
19. PN-1311-L16486
Dato' Dr. Mashitah binti Ibrahim minta **MENTERI KESIHATAN** menyatakan berapa ramaikah gadis dan wanita Malaysia dijangkiti barah pangkal rahim sejak 2008 mengikut pecahan negeri, kaum dan umur. Juga maklumkan sama ada Kementerian mempertimbangkan untuk melaksana suntikan imunisasi *Human Papilloma Virus (HPV)* kepada kanak-kanak lelaki yang juga berpotensi dijangkiti virus ini.

20. PN-1311-L16391
Tuan Syed Shahir bin Syed Mohamud minta **MENTERI KEWANGAN** menyatakan supaya Jadual Kelima dan Keenam dalam Seksyen 58, Akta Kumpulan Wang Simpanan Pekerja, 1991 dipinda dengan menaikkan jumlah faedah sehingga RM 30,000/- seperti mana yang telah wujud sebelum pindaan yang telah dibuat pada masa lalu.
21. PN-1311-L16792
Dr. Syed Husin Ali minta **MENTERI PENGANGKUTAN** menyatakan mengapa projek KLIA 2 dan KKIA masih belum siap, kemas kini terkini tentang status projek tersebut, dan usaha-usaha yang sedang dijalankan untuk mengatasi kelewatannya.
22. PN-1311-L16869
Dato' Dr. Johari bin Mat minta **MENTERI SUMBER MANUSIA** menyatakan sejauh manakah pihak Kementerian memfokuskan kepada pembangunan ke arah kualiti, produktiviti, dan kepuasan pekerja melalui perancangan pembangunan sumber manusia yang strategik.
23. PN-1311-L16834
Tuan Baharudin bin Abu Bakar minta **MENTERI KOMUNIKASI DAN MULTIMEDIA** menyatakan berapakah jumlah peruntukan melalui pemberian geran, pinjaman dan pelaburan oleh FINAS untuk penerbitan filem bagi membantu penerbit-penerbit tempatan menghasilkan filem-filem bermutu yang boleh dijadikan kebanggaan rakyat negara ini sekali gus mengangkat seni dan budaya negara ini ke tahap yang lebih tinggi memandangkan kebelakangan ini penghasilan filem bermutu di negara ini amat berkurangan berbanding negara-negara lain khususnya negara-negara di Asia Tenggara lain.
24. PN-1311-L16664
Dato' Syed Ibrahim bin Kader minta **MENTERI DALAM NEGERI** menyatakan pemansuhan ISA telah menyebabkan keselamatan dan keamanan negara sering tergugat dan semakin menjadi-jadi. Apakah keberkesanan undang-undang yang menggantikan ISA dan apakah tindakan Kementerian dalam menangani masalah ini.
25. PN-1311-L16316
Puan Hajah Rohani binti Abdullah minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilangan Pihak Berkuasa Tempatan (PBT) yang telah berjaya mencapai tahap lima bintang mengikut Sistem Penarafan Bintang (SPM) Pihak Berkuasa Tempatan dan nyatakan langkah-langkah Kementerian bagi meningkatkan pencapaian PBT dalam Sistem Penarafan Bintang.
26. PN-1311-L16254
To' Puan Hajah Zaitun binti Haji Mat Amin minta **MENTERI KEWANGAN** menyatakan adakah Kementerian mempunyai pengkalan data yang lengkap berhubung dengan pemilikan rumah oleh rakyat negara ini dan nyatakan langkah-langkah Kementerian bagi memastikan setiap rakyat negara ini memiliki sekurang-kurangnya sebuah rumah mampu milik.

27. PN-1311-L16689
Puan Hajah Mariany binti Mohammad Yit minta **MENTERI DALAM NEGERI** menyatakan adakah Kementerian membuat kajian dan kaedah penguatkuasaan yang mungkin timbul disebabkan oleh kekangan peruntukan perundangan Akta Hasutan 1948 dan akta-akta lain bagi mengawal aktiviti provokasi jahat dan hasutan yang dilakukan oleh individu di dalam media sosial bagi memastikan keamanan dan kestabilan negara tidak diuji dan dicabar untuk memporak-perandakan perpaduan sosial negara Malaysia.
28. PN-1311-L16700
Dato' Muhammad Olian b Abdullah minta **MENTERI DALAM NEGERI** menyatakan laporan bahawa penjenayah kini mudah mendapat bekalan senjata api, terutama pistol, apabila wujud pihak tertentu yang menyediakan khidmat sewaan senjata api untuk tujuan jenayah seperti samun dan bunuh.
29. PN-1311-L16174
Datuk Chin Su Phin minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kementerian bersedia untuk berbincang dengan pihak-pihak yang mewakili kepentingan pengguna supaya kajian semula dapat dibuat ke atas konsep pembinaan rumah asas agar ia tidak memberikan implikasi kewangan tambahan kepada pembeli.
30. PN-1311-L16478
Dr. Ariffin bin S.M. Omar minta **PERDANA MENTERI** menyatakan adakah Kerajaan Pusat mempunyai rancangan untuk menyelaraskan hukum syariah yang diamalkan oleh negeri-negeri dalam Malaysia supaya percanggahan yang didapati dapat dikurangkan.
31. PN-1311-L16536
Dato' Haji Muhamad Yusof bin Husin minta **MENTERI PELANCONGAN DAN KEBUDAYAAN** menyatakan adakah benar seperti dakwaan Ketua Pengarah Arkib Negara terdapat 85 fakta sejarah negara ini diragui. Jika benar, senaraikan fakta-fakta tersebut dan apakah tindakan Kementerian untuk memperbetulkan keraguan ini.
32. PN-1311-L16250
To' Puan Hajah Zaitun binti Haji Mat Amin minta **PERDANA MENTERI** menyatakan sejauh manakah Tabung Kesejahteraan Kanak-Kanak Sedunia hasil inisiatif PERMATA telah berjaya membantu kanak-kanak yang menjadi mangsa pelbagai musibah dalam dan luar negara.
33. PN-1311-L16780
Datuk Chiw Tiang Chai minta **MENTERI PENDIDIKAN** menyatakan :-
- (a) apakah syarat dan kriteria yang diguna pakai dalam pemberian cuti belajar (sabatikal) kepada golongan guru, guru besar dan pengetua; dan
 - (b) adakah Kementerian yakin langkah ini dapat meningkatkan kualiti pembelajaran dan pengajaran sejajar dengan pelan pembangunan pendidikan Malaysia (PPPM) 2013-2015 yang menyasarkan sistem pendidikan negara setaraf negara maju.

34. PN-1311-L16399
Tuan Syed Shahir bin Syed Mohamud minta **MENTERI SUMBER MANUSIA** menyatakan jumlah wang yang terkumpul dalam Tabung Pembangunan Sumber Manusia (*Human Resource Development Fund*) hingga setakat ini. Daripada jumlah tersebut berapakah yang dibelanjakan untuk manfaat para pekerja di Malaysia.
35. PN-1311-L16341
Dato' Boon Som a/l Inong minta **MENTERI PENDIDIKAN** menyatakan sama ada Kementerian hasrat untuk mengkaji semula kaedah pelaksanaan Dasar 1 Murid 1 Sukan, terutama penganjuran program seperti Kejohanan Balapan dan Padang, serta Merentas Desa, supaya bersesuaian dengan cuaca setempat.
36. PN-1311-L16877
Dato' Dr. Johari bin Mat minta **MENTERI SUMBER MANUSIA** menyatakan jumlah pendaftaran secara talian melalui portal JobsMalaysia dan jumlah yang ditempatkan dalam pasaran kerja bagi menangani kadar pengangguran sebanyak 3% di Malaysia.
37. PN-1311-L16649
Dato' Syed Ibrahim bin Kader minta **MENTERI PENDIDIKAN** menyatakan berapa banyak tempat yang telah diberikan kepada pelajar India Muslim untuk melanjutkan pengajian mereka di pusat-pusat Matrikulasi, universiti-universiti awam dan politeknik bagi tahun 2013.
38. PN-1311-L16307
Tuan Chandra Mohan a/l S. Thambirajah minta **MENTERI SUMBER ASLI DAN ALAM SEKITAR** menyatakan hasil penyiasatan kematian 14 ekor gajah di Sabah antara bulan Disember 2012 dan Januari 2013 dan apakah langkah-langkah yang dirancang supaya perkara sedemikian tidak berulang serta rancangan-rancangan pemuliharaan jangka masa panjang.
39. PN-1311-L16434
Datuk Raja Ropiaah binti Raja Abdullah minta **MENTERI SUMBER MANUSIA** menyatakan statistik terperinci bidang-bidang pekerjaan yang kita bergantung kepada tenaga asing. Sudahkah kita memberi latihan dan galakkan kepada orang tempatan untuk memasuki bidang perkhidmatan yang di kuasai oleh tenaga buruh luar negara seperti perkhidmatan jaga, pekerjaan binaan dan ladang untuk mengurangkan kebergantungan kita kepada tenaga pekerja dari luar negara.
40. PN-1311-L16224
Dato' Haji Abdul Rahman bin Bakar minta **PERDANA MENTERI** menyatakan :-
- (a) tahap perpaduan dan keharmonian dalam negara kini; dan
 - (b) usaha-usaha dan langkah-langkah yang sedang dan akan diambil dalam memperkuatkan perpaduan dan keharmonian rakyat selepas banyak demonstrasi yang dilakukan oleh pihak-pihak tertentu yang tidak bertanggungjawab.

41. PN-1311-L16893
Tuan Saiful Izham bin Ramli minta **MENTERI KEWANGAN** menyatakan kenapakah jumlah beban subsidi gas asli sebanyak lebih RM 20 bilion setahun yang ditanggung PETRONAS tidak dimasukkan dalam Laporan Ekonomi Negara sedangkan dana PETRONAS yang digunakan itu adalah khazanah negara yang hanya dinikmati oleh segelintir sektor korporat yang sudah pun diberi berbagai insentif.
42. PN-1311-L16730
Tuan Chiew Lian Keng minta **MENTERI PELANCONGAN DAN KEBUDAYAAN** menyatakan apakah langkah-langkah Kementerian untuk mempromosikan Pulau Labuan sebagai destinasi pelancongan dalam dan luar negara. Dan sama ada insentif diberikan kepada pengusaha sektor pelancongan di Pulau Labuan.
43. PN-1311-L16362
Puan Hajah Khairiah binti Mohamed minta **MENTERI PENGANGKUTAN** menyatakan langkah-langkah yang sedang dan akan diambil oleh Kementerian bagi memastikan perkembangan aktiviti dan pembangunan Pelabuhan Tok Bali, Pasir Puteh, Kelantan.
44. PN-1311-L16625
Tuan Mohd. Khalid bin Ahmad minta **PERDANA MENTERI** menyatakan :-
- (a) apakah perancangan jangka panjang untuk memantapkan lagi perancangan pembangunan ekonomi di negeri-negeri di dalam Koridor Utara (NCER); dan
 - (b) apakah status penyediaan kajian *Perlis State Strategic Development Plan* oleh NCIA.
45. PN-1311-L16459
Dato' Dr. Mashitah binti Ibrahim minta **MENTERI PENDIDIKAN** menyatakan berapa kes buli yang dilaporkan berlaku di sekolah-sekolah mengikut pecahan negeri, kaum dan umur sejak 2008. Daripada bilangan ini, berapa kes yang dikategorikan sebagai jenayah dan bentuk hukuman ke atas pesalah dan apakah tindakan Kementerian untuk membanteras gejala ini.
46. PN-1311-L16785
Dr. Syed Husin Ali minta **MENTERI PERTAHANAN** menyatakan senarai semua usaha sama Kerajaan dengan Boustead Heavy Industries Corporation Berhad, keistimewaan cukai jika ada dan konsesi-konsesi yang diberikan kepada usaha sama tersebut berserta nilainya.
47. PN-1311-L16613
Tan Sri Dr. Koh Tsu Koon minta **MENTERI KEWANGAN** menyatakan apakah perkembangan terbaru dalam pelaksanaan projek MRT bagi Kuala Lumpur dan Lembah Klang. Sekiranya anggaran kos dan tarikh persiapan tidak lagi mengikut apa yang telah dirancang, apakah sebab-sebabnya dan cara menanganinya.

48. PN-1311-L16644
Tuan Mohd. Khalid bin Ahmad minta **MENTERI KOMUNIKASI DAN MULTIMEDIA** menyatakan :-
- (a) apakah status terkini pelaksanaan perkhidmatan televisyen digital di Malaysia dan berapakah anggaran harga tv baru tersebut; dan
 - (b) adakah televisyen yang lama tidak lagi dapat digunakan selepas pelaksanaan televisyen digital dan apakah implikasi kepada penduduk miskin yang tidak mampu membeli tv digital baru.
49. PN-1311-L16475
Dato' Dr. Mashitah binti Ibrahim minta **MENTERI PEMBANGUNAN WANITA, KELUARGA DAN MASYARAKAT** menyatakan bilangan perkahwinan membabitkan kanak-kanak perempuan di bawah umur 17 tahun sejak 2008 mengikut pecahan negeri, kaum dan umur. Juga tindakan yang diambil dan program Kementerian untuk meningkatkan kesedaran masyarakat berhubung risiko perkahwinan sedemikian.
50. PN-1311-L16550
Tuan Haji Abdul Shukor bin Mohd Sultan minta **PERDANA MENTERI** menyatakan :-
- (a) jumlah biasiswa yang telah diluluskan kepada pelajar Bumiputera bagi peringkat Ijazah dan Doktor Falsafah (PhD) bagi tahun berakhir 2011 dan 2012; dan
 - (b) jumlah yang dijangka diproses serta diluluskan bagi peringkat yang sama bagi tahun 2013.
51. PN-1311-L16335
Datuk Subramaniam a/l Veruthasalam minta **MENTERI PELANCONGAN DAN KEBUDAYAAN** menyatakan apakah rancangan yang dibuat oleh Kementerian untuk menarik lebih ramai pelancong ke Little India, Brickfields.
52. PN-1311-L16747
Puan Roslin binti Haji Abdul Rahman minta **PERDANA MENTERI** menyatakan langkah-langkah Kerajaan bagi menangani isu jenayah agama dalam menjaga keharmonian negara dan menjaga kesucian agama Islam sebagai agama Persekutuan.
53. PN-1311-L16498
Tuan Haji Abdul Shukor bin Mohd Sultan minta **PERDANA MENTERI** menyatakan adakah Kementerian mempunyai perancangan tegas ke atas mana-mana individu yang menghina Yang di-Pertuan Agong termasuk melucutkan status kerakyatan mereka atau menurunkan status mereka kepada penduduk tetap pemegang kad pengenalan merah (PR) sebagai suatu pengajaran bahawa kedudukan Institusi Raja tidak boleh dipertingkatkan.

54. PN-1311-L16517
Puan Chew Lee Giok minta **MENTERI PERTANIAN DAN INDUSTRI ASAS TANI** menyatakan berapakah jumlah sarang burung yang telah dieksport ke China sejak pelesenan beberapa syarikat pengeksport sarang burung dikeluarkan. Berapa dan apakah syarikat yang telah diperlesenkan untuk mengeksport sarang burung ke China.
55. PN-1311-L16317
Puan Hajah Rohani binti Abdullah minta **PERDANA MENTERI** menyatakan tindakan Kerajaan ke atas 60 laman blog yang menyebarkan ajaran sesat dan nyatakan langkah-langkah Kerajaan bagi memberikan kesedaran kepada umat Islam tentang ajaran-ajaran sesat ini.
56. PN-1311-L16856
Puan S. Bagiam a/p Ayem Perumal minta **MENTERI BELIA DAN SUKAN** menyatakan apakah usaha-usaha Kerajaan dalam membendung masalah sosial seperti mat rempit, pengambilan alkohol dan dadah di kalangan belia.
57. PN-1311-L16715
Dato' Jaspal Singh minta **PERDANA MENTERI** menyatakan mengapakah tawaran biasiswa daripada sumber terkemuka biasanya meliputi bidang perubatan, undang-undang, perakaunan, IT sementara tidak meliputi tawaran biasiswa bagi pelajar yang mahir dalam bidang seni seperti *'fine arts'*, *'fashion designer'*, *'interior designer'* dan sebagainya.
58. PN-1311-L16695
Puan Hajah Mariany binti Mohammad Yit minta **MENTERI PENDIDIKAN** menyatakan unjuran pensiswazahan siswazah ijazah pertama dan berapa peratuskah siswazah ini mendapat pekerjaan dalam tempoh 6 bulan selepas bergraduan dan apakah langkah-langkah Kementerian sekiranya wajar untuk memastikan graduan sama ada di IPTA dan IPTS mendapat pekerjaan dengan kadar segera selepas bergraduan setelah kursus-kursus yang mereka ikuti memenuhi permintaan industri.
59. PN-1311-L16571
Dato' Lim Nget Yoon minta **MENTERI WILAYAH PERSEKUTUAN** menyatakan tindakan yang diambil dalam menangani masalah sampah sarap yang terdapat di tepi-tepi jalan di beberapa tempat di Kuala Lumpur.
60. PN-1311-L16212
Dr. Lucas Umbul minta **PERDANA MENTERI** menyatakan sejauh mana usaha-usaha yang dijalankan oleh Kementerian dalam membina prasarana anggota-anggota ESSCOM di Pantai Timur Sabah telah dicapai setakat ini.
61. PN-1311-L16835
Datuk Jamilah Sulaiman minta **MENTERI PENDIDIKAN** menyatakan bilakah cadangan untuk menjadikan mata pelajaran Bahasa Inggeris wajib lulus di peringkat SPM dikuatkuasakan. Apakah usaha-usaha Kementerian untuk meningkatkan penguasaan Bahasa Inggeris di kalangan pelajar khususnya pelajar di luar bandar.

62. PN-1311-L16808
Datuk Hj Saat bin Hj Abu minta **PERDANA MENTERI** menyatakan cadangan kepada Kerajaan Malaysia supaya mewujudkan satu akta agar mana-mana pasukan atau individu yang membangkitkan soal agama, mana-mana kaum dan bercakap boleh menimbulkan ketidaksefahaman keharmonian kaum, mesti diambil tindakan undang-undang tanpa dibicarakan dan terus dijatuhkan hukuman berat.
63. PN-1311-L16235
Dato' Haji Abdul Rahman bin Bakar minta **MENTERI BELIA DAN SUKAN** menyatakan :-
- (a) apakah rancangan dan usaha Kementerian bagi membangun dan memajukan belia serta kelab-kelab belia yang bagaikan hidup segan mati tak mahu sekarang ini; dan
 - (b) apakah usaha-usaha oleh Kementerian bagi menyatukan badan-badan belia dan sukan yang kelihatan banyak berpecah dan bersifat keakuan.
64. PN-1311-L16413
Datuk Raja Ropiah binti Raja Abdullah minta **MENTERI SUMBER ASLI DAN ALAM SEKITAR** menyatakan setakat manakah kejayaan Kerajaan untuk memenuhi janji yang dibuat oleh YAB. Perdana Menteri *at the United Nations Framework Convention on Climate Change (UNFCCC) Conference of Parties 15 (COP-15) Copenhagen in 2009, to voluntarily reduce the country carbon intensity of GDP up to 40% (percent) by the year 2020 compared to 2005 levels, subject to financial and technological assistance from the developed countries.* Apakah tindakan dan perkembangan setakat hari ini.
65. PN-1311-L16293
Tuan Chandra Mohan a/l S. Thambirajah minta **PERDANA MENTERI** menyatakan jumlah kes kemalangan yang disebabkan oleh kejatuhan muatan dari kenderaan berat yang telah menyebabkan kematian dan kecederaan pada sepanjang tahun 2010, 2011, 2012 dan 2013 dan langkah-langkah yang diambil untuk membasmi kemalangan ini.
66. PN-1311-L16409
Tuan Haji Ahamat @ Ahamad bin Yusop minta **MENTERI PERDAGANGAN ANTARABANGSA DAN INDUSTRI** menyatakan adakah Kementerian bercadang mengkaji semula duti eksais yang dikenakan ke atas kenderaan yang dikeluarkan oleh Negara-negara Asean yang berkapasiti di bawah 1500cc memandangkan duti eksais yang dikenakan oleh Kerajaan hampir setara dengan duti yang dikenakan oleh negara jiran seperti Indonesia dan Thailand.
67. PN-1311-L16374
Puan Hajah Khairiah binti Mohamed minta **PERDANA MENTERI** menyatakan adakah Kerajaan berhasrat untuk membuat persempadanan semula dengan mengambil kira jumlah bilangan pengundi yang seimbang bagi setiap kerusi Parlimen atau Dewan Undangan Negeri.

68. PN-1311-L16525
Puan Chew Lee Giok minta **MENTERI PEMBANGUNAN WANITA, KELUARGA DAN MASYARAKAT** menyatakan apakah pencapaian program imunisasi HPV bagi wanita. Berapakah jumlah pelajar perempuan di sekolah menengah yang telah menerima imunisasi HPV setakat ini.
69. PN-1311-L16901
Tuan Saiful Izham bin Ramli minta **MENTERI PENDIDIKAN** menyatakan memaklumkan setakat ini sudah berapakah institusi pengajian tinggi swasta yang sudah diambil tindakan kerana membawa masuk pelajar-pelajar asing yang menyalahgunakan pas pelajar mereka serta apakah bentuk tindakan tersebut, sekiranya ada, yang sudah diambil terhadap institusi-institusi ini bagi mengawal kebanjiran masuk pelajar-pelajar asing yang semakin menimbulkan masalah sosial dan jenayah dalam negara ini.
70. PN-1311-L16508
Puan Chew Lee Giok minta **MENTERI KESIHATAN** menyatakan berapakah Hospital Kerajaan yang mempunyai pusat strok yang mempunyai kepakaran neurologi, peralatan dan ubatan yang bersesuaian untuk menghadapi kecemasan strok.
71. PN-1311-L16748
Puan Roslin binti Haji Abdul Rahman minta **MENTERI PENDIDIKAN** menyatakan langkah-langkah Kementerian bagi meningkatkan kualiti pembelajaran dan pengajaran di kalangan guru, guru besar dan pengetua sekolah sejajar dengan Pelan Pembangunan Pendidikan Malaysia (PPPM) 2013-2025.
72. PN-1311-L16462
Dr. Ariffin bin S.M. Omar minta **MENTERI PENGANGKUTAN** menyatakan apakah langkah-langkah yang diambil oleh Kerajaan Pusat untuk mengatasi masalah lalu lintas di bandar-bandar besar di Malaysia. Adakah Kerajaan mempunyai sebarang rancangan untuk serah tanggungjawab memajukan pengangkutan awam kepada Kerajaan negeri.

ATURAN URUSAN MESYUARAT DAN USUL-USUL

1. **Yang Berhormat Tuan Haji Ahamat@Ahamad bin Yusop** akan mencadangkan:-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Negara Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Negara mengucapkan berbilang-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Pertama, Parlimen Yang Ketiga Belas.”

Menyambung semula Perbahasan atas masalah (24 Julai, 2013)

- | | | | |
|----|---------------|---|-----------------------------------|
| 2. | (D.R. 4/2013) | Rang Undang-undang Perbekalan
Tambahan (2012) 2013 | Bacaan Kali
Yang Kedua |
|----|---------------|---|-----------------------------------|

[Menteri Kewangan]

3. PN-1311-U16251
Dato' Haji Abdul Rahman bin Bakar akan mencadangkan:-

"Bahawa kami Ahli-ahli Dewan Negara Barisan Nasional merakamkan setinggi-tinggi junjungan kasih kepada DYMM Seri Paduka Baginda Yang Dipertuan Agong atas titah ucapan baginda pada 25 Jun 2013 di Dewan Rakyat baru-baru ini. Sesungguhnya titah ucapan tersebut perlu dihayati oleh semua pihak tanpa mengira fahaman politik dan anutan kepercayaan masing-masing. Titah ucapan baginda ternyata amatlah baik dan berkesan untuk keamanan, perpaduan, kesejahteraan, kebaikan, kemakmuran semua pihak, rakyat dan negara ini."

[Menteri di Jabatan Perdana Menteri]

4. PN-1311-U16252
Dato' Haji Abdul Rahman bin Bakar akan mencadangkan:-

"Bahawa kami Ahli Dewan Negara dari Barisan Nasional merakamkan setinggi penghargaan dan tahniah di atas kemenangan Barisan Nasional pada PRU-13 baru-baru ini. Kami juga merakamkan tahniah kepada YAB Datuk Seri Najib Tun Abdul Razak dan YAB Tan Sri Muhyiddin Yassin yang dilantik sebagai Perdana Menteri dan Timbalan Perdana Menteri.

Turut merakamkan tahniah kepada semua Menteri, Timbalan Menteri dan semua Ahli Parlimen Barisan Nasional, serta juga kepada Senator-Senator baru yang telah dilantik. Semoga mereka dapat menjalankan tugas dan tanggungjawab dengan baik, amanah, bertanggungjawab, cemerlang dan terbilang demi kesejahteraan rakyat dan negara."

[Menteri di Jabatan Perdana Menteri]

5. PN-1311-U16256

Dato' Haji Abdul Rahman bin Bakar akan mencadangkan:-

"Bahawa kami menggesa Kerajaan menangani isu jerebu yang saban tahun berlaku dan sentiasa berulang di negara ini. Kami berharap Kerajaan dapat menyelesaikan isu ini dalam bentuk jangka panjang agar tidak berulang kembali. Kami juga menyeru supaya satu usaha dibuat diantara Kerajaan Malaysia dan Indonesia secara bersungguh-sungguh, menyeluruh, bersifat proaktif serta tidak berulang lagi."

[Menteri Sumber Asli dan Alam Sekitar]

6. PN-1311-U16257

Dato' Haji Abdul Rahman bin Bakar akan mencadangkan:-

"Bahawa kami menggesa Kerajaan mengutamakan peluang-peluang pekerjaan kepada rakyat tempatan daripada rakyat asing. Kita sedar bahawa sekarang ini terlalu ramai rakyat asing sama ada yang halal atau haram (PATI) bekerja di negara ini. Dianggarkan sekitar 5 juta orang. Ini mengancam peluang-peluang pekerjaan kepada rakyat tempatan dan keselamatan negara. Oleh itu, sudah sampai masanya kerajaan merancang dan berusaha untuk mengurangkan kedatangan rakyat asing dan mengurangkan penggunaan tenaga kerja mereka dan sebaliknya diganti oleh rakyat tempatan yang sekarang ini banyak menganggur. Oleh itu satu cetak biru dan tindakan yang bersifat jangka pendek dan jangka panjang wajib dilaksanakan segera bagi menghindarkan terjadinya seperti kata pepatah "kera di hutan disusukan, anak dibuaian ditinggalkan."

[Menteri Sumber Manusia]

7. PN-1311-U16387

Dato' Boon Som a/l Inong akan mencadangkan:-

"Bahawa Dewan ini mencadangkan supaya meminda tempoh jawatan sebagai Ahli Dewan Negara daripada tiga tahun kepada lima tahun, dan mengkaji semula elaun dan kemudahan Ahli Parlimen. Pindaan ini perlu memandangkan tempoh tiga tahun adalah sangat terhad untuk membolehkan seseorang Ahli Dewan Negara memberi perkhidmatan dengan berkesan.

Sungguhpun Ahli Dewan Negara tidak mempunyai kawasan tertentu dan pengundi, mereka mewakili kelompok tertentu dan mempunyai tanggungjawab tertentu terhadap kelompok yang diwakilinya, terutama bagi Ahli Dewan Negara yang dilantik mewakili masyarakat minoriti seperti Masyarakat Siam. Bahkan kadangkala peranan Ahli Dewan Negara yang mewakili masyarakat minoriti hampir-hampir menyamai peranan Ahli Dewan Rakyat yang dilantik menerusi pilihan raya. Bahkan ditinjau di negara-negara jiran di rantau ASEAN ini yang juga mengamalkan sistem bicameralism, didapati Senator di Indonesia memegang jawatan selama lima tahun manakala di Thailand dan Filipina pula selama enam tahun. Dengan pindaan ini kelak akan meletakkan Senator di Malaysia setara dengan rakan sejawat mereka di negara jiran. Begitu juga dengan elaun dan kemudahan Ahli Parlimen, kajian semula perlu dilakukan supaya bersesuaian dengan keadaan semasa, terutama dari segi ekonomi, serta tanggungjawab yang dipikulnya. Sejak Akta Ahli Parlimen (Saraan) 1980 diwartakan, kali terakhir gaji Ahli Parlimen disemak adalah pada tahun 2005. Dibandingkan dengan negara jiran, gaji Ahli Parlimen di negara ini jauh lebih rendah. Ahli Parlimen negara ini memperoleh RM6,500 sebulan berbanding Ahli Parlimen Singapura (RM33,589), Indonesia (RM18,000) dan Thailand (RM11,534). Maka dengan ini Dewan hendaklah mengambil ketetapan untuk meminta Kerajaan untuk mengambil tindakan serius bagi meminda tempoh jawatan sebagai Ahli Dewan Negara daripada tiga tahun kepada lima tahun, dan mengkaji semula elaun dan kemudahan Ahli Parlimen."

[Menteri di Jabatan Perdana Menteri]

**RISALAT-RISALAT YANG DIBAWA KE DALAM MESYUARAT
(DEWAN NEGARA)**

<u>TAHUN 2013</u>	<u>RISALAT/DOKUMEN</u>	<u>TARIKH DIBENTANGKAN</u>
ST.11	Laporan Tahunan dan Penyata Kewangan Lembaga Pembangunan Langkawi Bagi Tahun 2011.	25 Julai 2013
ST.14	Laporan Tahunan dan Penyata Kewangan Perbadanan Stadium Malaysia Bagi Tahun 2011.	25 Julai 2013
ST.17	Laporan Tahunan dan Penyata Kewangan Suruhanjaya Sekuriti Bagi Tahun 2012.	25 Julai 2013
ST.21	Laporan Tahunan Suruhanjaya Perlantikan Kehakiman Bagi Tahun 2012.	25 Julai 2013
ST.24	Laporan Tahunan dan Penyata Kewangan Dewan Bahasa dan Pustaka Bagi Tahun 2011.	25 Julai 2013